



TEZĂUR LITURGIC

12 IUNIE

ACATISTUL SF. CUVIOȘI VASIAN ȘI IONA DE LA SOLOVEȚ



MOSCOVA, 2000



Акафист

преподобным Вассиану и Ионе

Кондак 1

Возбраннии воины Духа Святаго, данные Соловецкому краю чудотворцы всехвальнии, преподобнии отцы Вассиане и Ионо, благодарственную песнь приносим Христу Богу, ибо молитвами вашими от нашествия иноплеменных и смутнаго времени надежду имамы избавитися, яко имея дерзновение ко Господу, от всяких нас бед и напастей свободите, да зовем к вам: Радуйтесь, Вассиане и Ионо, скорые помощницы и преславнии чудотворцы.

Икос 1

Иноков отцы, в безвестном всеусердном иноческом подвиге пребывая, стяжали есте благодать Святаго Духа, сотаинники и собеседники Пресвятыя Троицы явились есте. Покорные же ваша чада научите вопити сице: Радуйтесь, ко Престолу всех Царя от века предуставленные, радуйтесь, рабы Христовы явленные. Радуйтесь, непоколебимые воины Святаго Духа, радуйтесь, благодатию озаренные

свыше. Радуйтесь, по всей вселенной прославлении, радуйтесь, постное иноческое житие исполнившие. Радуйтесь, козней дьявольских отгонители, радуйтесь, бесов неисцельный струпе. Радуйтесь, заблуждших утешители, радуйтесь, к вечному крову направляющие. Радуйтесь, в яве потерянную родительницу к чадам направившие, радуйтесь тем поморстии люди удивившие. Радуйтесь, Вассиане и Ионо, скорые помощницы и преславнии чудотворцы.

Кондак 2

Видевши Соловецкий край и вся Россия благодать Божию, преизобильно на вас почивающую, чудеса исцелений источающи, с верою крепкою к вашим святым мощам, прибегаем, и в веселии духовнем прославляем вас, верных помощников, блаженных Христовых овец, Богу поя: Аллилуйя.

Икос 2

Святую Троицу прославить всеусердно потщались есте, о, Вассиане и Ионо, веру крепкую, любовь нелицемерную сподобились благодатно прияти, обитель Пертоминскую по предуведению Превечной Троицы от века готовы были устроить и во оной начало

иноческаго жития положити. Сего ради телеса ваша святыя ей отдати изволили есте и научили чтущих вас воспевати тако: Радуйтесе, кротости исполненныя, радуйтесе, столпы послушания. Радуйтесе, иноков пастырие и служителие, радуйтесе, добрых монахов родителие. Радуйтесе, сотаинники Ангелов, радуйтесе, сосуды благодати. Радуйтесе, доброзрачнии светила благочестия, радуйтесе, претихое грешным утешение. Радуйтесе, святыя обители устроителие, радуйтесе, лес поморстим людем посекаати запретившия. Радуйтесе, из того леса обитель создати готовыя, радуйтесе храм Бога живаго из него устроившии. Радуйтесе, Вассиане и Ионо, скорые помощницы и преславнии чудотворцы.

Кондак 3

Силою многою, данною вам свыше, преподобнии отцы Вассиане и Ионо, прославили есте Спасителя душ наших, исповедники же тайного великаго жития явились есте. В скрытом подвиге подвизаяся, созерцания Божественнаго Света, достигли высот есте. Духа же Святаго схождение сподобилися прияти есте преобильно. Тем же и мы молим вас, достоблаженнии отцы, благодати Божественной прикоснутися, Богу поя: Аллилуйя.

Икос 3

Имуще помышление великой рыбной ловле быти, устремилися поморстии люди к берегу морскому, но обретоша ваша телеса вместо добычи, удивльшеся зело. Увидев их от птиц врановых невредимы, и силу Божественную, их покрывающую, узревши, разумея нечто преславное быти, нетленные телеса в ладью свою пояли, глаголюще в себе таковая: Радуйтесь, отроцы Пресвятыя Богородицы, радуйтесь, сотаинники благодати Божией. Радуйтесь, постники предивныя, радуйтесь, поморских христиан удивление и увеселение. Радуйтесь, кротости и смирения исполненныя, радуйтесь, вся мира сего прелести презревшия. Радуйтесь, венцем небесныя славы увенчании, радуйтесь, земнии ангели, чистотою сердец ваших рая вождеденнаго достигшии. Радуйтесь, силу диявола немощную низложившия, радуйтесь, от пути греховнаго многия ко Господу обратившия. Радуйтесь, лесорубов, презревших Ваше прещение, потоплением в пучине морстей, наказавшии, радуйтесь, оным грядущий нелицеприятный суд всем нечестивым показавшия. Радуйтесь, Вассиане и Ионо, скорые помощницы и преславнии чудотворцы.

Кондак 4

Бурю жития мира сего, козни диявола и плоти смущения презревшии, преподобнии, достойно воспеваем ваша чудеса, блаженнии Вассиане и Ионо. Никтоже бо может их исчести и в книги мнози собрати. Но мы, Богу дивно в Вас прославляемому, со дерзновением и умилением сердца вопием: Аллилуйя.

Икос 4

Слышаша, преподобнии отцы, ближнии и дальнии, о сладчайшей струе чудотворений Ваших, яко слепии прозирают, хромии ходят и разнообразных недугов болящии избавляются, душевныя скорби, яко дым, исчезают. Сих чудес и себе испросивше, вопием к вам сице:
Радуйтесь, избавители от печали, радуйтесь, благодати источницы. Радуйтесь, скорбей отгонители, радуйтесь, плачущих утешители. Радуйтесь, от наглыя и лютыя смерти избавители, радуйтесь, душевных и телесных недугов наших целители. Радуйтесь, ко спасению многих души свои положившии, радуйтесь, всяких желаемых благ исполнители. Радуйтесь заповедей Христовых благовестители, радуйтесь Христа возлюбивши. Радуйтесь, в видении крест и часовню чудную над мощами

своими устроити повелевши, радуйтесь в яве в нее вшедши. Радуйтесь, Вассиане и Ионо, скорые помощницы и преславнии чудотворцы.

Кондак 5

Боготечное духовное созвездие явились есте, преподобнии отцы, Вассиане и Ионо, неба Российскаго церковнаго украшение. Всех заблудших в сем житейском море к берегу направляющи, от мрака печали и мглы языческой избавляющи, молитвою своею к вечному Небесному Отечеству ведущи, поющи Богу: Аллилуйя.

Икос 5

Видящи, преподобнии отцы, Вассиане и Ионо, яко мир сей есть всяческая суета и тлен, потщалися есте всеусердно Предвечному Богу благоугодити и воистину Ему не вотще потрудилися есте, и паче же предстояния у Престола Пресвятыя Троицы возжелели сподобитися, нежели миру работати. Тем же и мы, любовь к Вам побеждаемии, сие вопием: Радуйтесь, милости Божия житницы, радуйтесь, промышления о людях исполнени. Радуйтесь, скорбящих утешителие, радуйтесь, немощей телесных исцелителие. Радуйтесь, Духа Святаго собеседницы, радуйтесь, Сына Божия

созерцателие. Радуйтесь, Отца всеблаженного чада блаженныя, радуйтесь, нищи духом, яко ваше есть Царствие Небесное. Радуйтесь, в бурное время от потопления княжескую ладью охранившия, радуйтесь, тем дружину его вразумившии. Радуйтесь, храм Преображения Господня в пустыне устроившия, радуйтесь, в нем токи чудес от мощей своих источившия. Радуйтесь, Вассиане и Ионо, скорые помощницы и преславнии чудотворцы.

Кондак 6

Проповедует держава Российская, богомудрии отцы Вассиане и Ионо, труды ваша, крепкое послушание, воли своя отсечение. Их же ради прослави вас Господь славою неизреченною, тем же преподобнии отцы, православия столпи непоколебимии явльшиися, и в тайном подвиге огня небесного вкусивыя, вся скоро гибнущая в мире сем презревшии, радостно в Горний Иерусалим возшедшия, предстоя там одесную Бога, вопиете: Аллилуйя.

Икос 6

Возсия Церкви Российстей и Соловецкому краю просвещение ваших чудес, преподобнии отцы Вассиане и Ионо, непрестанно благодарственную песнь приносим Отцу

Небесному, радостно воспевая вас, яко верных заступников и молитвенников о душах наших, и со Ангельскими лики взываем тако: Радуйтесь, Ангельское житие нам явившии, радуйтесь, славнии воины Христа явльшиися. Радуйтесь, бурю страстей угашающи, радуйтесь, небесного совершенства исполненныя.

Радуйтесь, исполнителие заповедей Христовых, радуйтесь, Богородицы Пресвятыя пред Сыном своим похваление. Радуйтесь, в лики преподобных вшедшии, радуйтесь, великаго тайнаго жития содетелие. Радуйтесь, боярскую лодью разрушившии, радуйтесь, оным того дружину на поклонение к себе призвавшии. Радуйтесь, от того часа здравие больному посреде них бывшему подавшии, радуйтесь, безбедное плавание им сотворшии. Радуйтесь, Вассиане и Ионо, скорые помощницы и преславнии чудотворцы.

Кондак 7

Хотя быти избранные Духу Святому в содруги, преподобнии отцы, Вассиане и Ионо, потщалися есте всеусердно тесным и прискорбным путем шествовати, воеже души своя в вечную жизнь устроить. Иго Христово, крест Владыцы, в сердцах своих от юности своея написуя,

достигли есте уготованнаго вам Царствия
Небеснаго, вопиющи: Аллилуйя.

Икос 7

Новую тварь в вас показа всех Творец и
Владыка, богомудрыя отцы Вассиане и Ионо,
многия и преславныя чудеса живущим в мире
показующии, по смерти телесней посреде
мирстей суеты возлежати не восхотели есте.
Указуя пустынножителство Ваше преблагое,
затмение солнца устроить изволили есте. Темже
благодарственно вопием вам: Радуйтесь, тучныя
грозды винограда истиннаго, радуйтесь,
наставницы иноков всеусердныя. Радуйтесь,
душ наших спасение, радуйтесь, иноческих
трудов плодоносящи древа. Радуйтесь,
печальных быстрое услышание, радуйтесь,
Ангельския чистоты вкусившии. Радуйтесь,
миро благоуханное, радуйтесь, жителие
Великаго Града. Радуйтесь, подножницы
Престола Господня, радуйтесь, Богородицы
славное восхваление. Радуйтесь, оскудение во
обители обильно исполнившии, радуйтесь,
хлебныя зерна чудно в нее доставившии.
Радуйтесь, Вассиане и Ионо, скорые
помощницы и преславнии чудотворцы.

Кондак 8

Страшное и преславное чудо являете нам, втайне подвизавшиеся, Вассиане и Ионо, Богу угодиши нетление телесное стяжали есте. Позорную смерть претерпели есте и в пустынном месте погребенны были, блазии. Темже прославился в вас Бог, яко в безвестности пребывше, по смерти чудотворцы явились есте. От напастей диявола нас охраняете, всем труждающимся в мире сем помогаете, в Горней Стране со бесплотными силами Богу поя: Аллилуйя.

Икос 8

Вси в богомыслии и доброделании прибыли есте, Вассиане и Ионо, в трудах и заботах о Творце всяческих не забывая, сподобилися увидеть небесную лествицу, и по ней подняться потщалися к Небу. Также и мы от усердия нашего к Вашим трудам вопием сицевая: Радуйтесь, иноческое житие возлюбившии, радуйтесь, иго благое на рамена своя приявшии. Радуйтесь, смирением украшенныя, радуйтесь, просвещение ума Духом Святым достигшии. Радуйтесь, тайн вечнаго горняго мира исполненныя, радуйтесь, ангельской манны небесной вкусившии. Радуйтесь, блаженнаго

жития удостоеннии, радуйтесь, Царствия Божия достигнувшии. Радуйтесь, обитель от пожара покрывшии, радуйтесь, во умаление случившихся убытков в обители Пертоминской росомаху неукротимую, зверя дикого, в монастырь приславшии. Радуйтесь, яко в ловитве его помощь оказавшии, радуйтесь, тем братию обители удивившии. Радуйтесь, Вассиане и Ионо, скорые помощницы и преславнии чудотворцы.

Кондак 9

Ангельский чин удивися великому вашему дарованию, преподобнии отцы, Вассиане и Ионо, еще на земли пребывали, аки на небесех. Сего ради украсил вас Господь, чистотою боголюбезною, силою Своего Духа прославил еси, в небесных чертозех непрестанно вопиющих: Аллилуйя.

Икос 9

Вития многовещанная недоумеют, како прославити вас, преподобнии отцы Вассиане и Ионо, ибо пачеестественное ваше житие в видениях дивных открыли есте. Глаголали есте о славе вашей вечней, проповедали слово Божие, воспевая Ему сицевая: дивен Бог во святых своих, Бог Израилев. Тем же и мы дерзаем купно

пети Вам сице: Радуйтесь, земнии Ангели и небеснии воины, радуйтесь, достойнии ученицы преславнаго Филиппа. Радуйтесь, жившии на земли телом, душею же в Раи, радуйтесь, очима душевными выну Господа созерцавшии.

Радуйтесь, пред лицом учителя, яко пред лицом самого Христа Иисуса шествовавши, радуйтесь, яко Божиею благодатию оправдании. Радуйтесь, на гору Сионскую востекшии, радуйтесь, тайну предвечнаго Рождества постигнувши.

Радуйтесь, Пресвятая Богородицы наперсное украшение, радуйтесь, Святого Духа дыхания сподобльшиися. Радуйтесь, труженнику обители святых зрение даровавши, радуйтесь, душевного его ока исцелителе. Радуйтесь, Вассиане и Ионо, скорые помощницы и преславнии чудотворцы.

Кондак 10

Спасти хотя души свои отсечением воли плотския, постригли власы своея и были всеусерднии иноцы, покорившии себя воли игумена Филиппа, яко во образ Начальника бесплотных сил. Его же повеления тако слушали есте, яко самаго Господа, ни в чем же ему не прекословя, но слово делом исполняя. Всякое же искушение и само потопление свое, яко вернии раби Христовы, яко от десницы Господней

прияли есте, Ему же ныне на Небесах предстоя, вопиете: Аллилуйя.

Икос 10

Стено веры всем нерушимая есте, преподобнии отцы Вассиане и Ионо. Тем же и мы молимся к вам, и верим, во всяких нуждах и печалях испросите нам спасения, будите стена неборимая, защита несомненная, от всяких нас бед застеня и охраняя, за еже мы вопием вам таковая: Радуйтесь, чресла лентием послушания препоясавшие, радуйтесь, адаманты Христовой веры. Радуйтесь, книги совестныя чистотою своего жития наполнивши, радуйтесь, облики благочестивыя. Радуйтесь, лампы храма Преображения Христова горящии, радуйтесь, кадельницы многоценныя. Радуйтесь, мироварницы Духа Святаго, радуйтесь, идольския прелести низложители. Радуйтесь, имущество монастырское от татьбы спасшия, радуйтесь, татя язвою ног поразивши. Радуйтесь, за его покаяние здравие ему возвративши, радуйтесь, к покаянию его приведши. Радуйтесь, Вассиане и Ионо, скорые помощницы и преславнии чудотворцы.

Кондак 11

Пение благодарственное Господу Иисусу Христу приносим, блаженнии, яко даровал вам толикую благодать: слепыя просвещати, больныя исцеляти, язычницы вразумляти. Толико сильные яко же и не увидевших Святыя мощи ваша, тии от греховнаго жития отбегаху, и к тому же николиже возвращахуся, боящися силы Божией, от Вас исходящия, юже прославляет на небеси Сам Бог, Ему же там ангельскую песнь вопиете: Аллилуйя.

Икос 11

Светолепныя светила в православней Российской стране и во всей вселенней явльшиися, преподобнии Вассиане и Ионо, пребогато благодатью Сына Божия исполненнии, зрим вас, стоящих одесную Престола Владычня в славе вечней и Божественными лучами Трисолнечнаго Света осияваемых, с лики Архангелов и Серафимов собеседующих, с невестественными силами вкупе радующихся. Того же света дерзаем у Бога испросити, облистаими славой вашей вечней и вопием таковая: Радуйтесь, добродетелей Христовых учителяе, радуйтесь, два орля в горнем мире парящии. Радуйтесь,

крылья молитвы и смирения стяжавшии, радуйтесь, от земли в чертози небеснии возшедшии. Радуйтесь, мощи свои нам в утешение оставившии, радуйтесь, яко ваша телеса оплотом веры являються. Радуйтесь, теплые к Богу ходатаи, радуйтесь, слезоточныя источницы райстии. Радуйтесь, оскудение веры отринувшии, радуйтесь, морскаго зверя, кита буйнаго на берег обители Пертоминской пославья. Радуйтесь, монастырстии нужды тем покрывши, радуйтесь, тем поморстии люди вразумивши. Радуйтесь, Вассиане и Ионо, скорые помощницы и преславнии чудотворцы.

Кондак 12

Видевши благодатныя дары от Господа Иисуса Христа вам данныя, приснопоминаемии Вассиане и Ионо, милостиво и прилежно просим вас: пролейте теплую свою молитву о нас, грешных, яко да отринув вся наша прегрешения даст нам Господь крепость телесную, веру несумненную, страну нашу Российскую укрепит, Церковь Святую от распрей и расколов непозыблему да сохранит, обилие даров земных да дарует, время мирное ниспослет нам, и вся православныя христианы предстательством вашим сохранит и помилует, чесого от

Всебравеаного Влааыцы уллучити чаем, Ему вопия: Аллилуйя.

Икос 12

Совет превечный, Пресвятая Троица, Бог Отец, Бог Сын, Бог Дух Святый, славят вас, о Вассиане и Ионо, тайны обожения достигших, преподобны стали Ему в рождении инокоческом, подобны были Ему в послушании Отцу, уподобились Ему в исхождении благодати Святаго Духа, во всякое же время Господу были благопотребны. Темже и мы, радуясь таковой награде, в дивном восхищении вопием вам сице: Радуйтесь, фимиам Бога живаго, радуйтесь, жертва Ему непорочная. Радуйтесь, кадильницы благовонныя, радуйтесь, благодатию Святаго Духа Божества достигшия. Радуйтесь, Пресвятые Богородицы верные чадца, радуйтесь, Ангелов немолчныя уста. Радуйтесь, Евангелия Христова исполнителие, радуйтесь, Святыя Троицы собеседницы. Радуйтесь, дерзкое касание мощей Ваших расслаблением наказавшии, радуйтесь, тем продерзца вразумившии. Радуйтесь, Российскую страну от богопротивных латинян сохранившии, радуйтесь, Российския державы славо и ограждение. Радуйтесь, Вассиане и Ионо, скорые помощницы и преславнии чудотворцы.

Кондак 13

О, преславнии Пертоминские чудотворцы, скорые и причуднии наши помощницы, Вассиане и Ионо, нынешнее приемше приношение, богоприятным Вашим ходатайством от всяких бед нас свободите, от нашествия антихриста заступите, от геенны избавите и в день Страшного Суда Господа умолите, да спасет Он и помилует вся православныя Христианы, и нас недостойных сподобит у Престола Вседержителя предстоящих, вечную песнь воспевати: Аллилуйя. 3 раза, затем 1 икос, 1 кондак.

Молитва

О, Духа Святаго сотаинники, венценоснии отцы Вассиане и Ионо, еще на земли чистотою сердец в тайну Святыя Троицы проникшии, Пресвятую Богородицу житием прославльшии, поминайте нас в своих благоприятных молитвах к Богу, велие ко Христу Иисусу имеяй дерзновение. Испросите нам от великодаровитаго Бога нашего здравие духовное и телесное улучшить, мира умирение сотворите, от глада и пагубы градов избавление соделайте, от нашествия иноплеменных орд Русь Святую охраните, подвизающимся в иноческом житии крепость

послите, юным наставление подайте,
неверующих вразумления сподобите, сиротам и
вдовицам утешение сотворите, усопшим
блаженное упокоеие даруйте, да и мы в день
Страшнаго Суда блаженный оный глас Владыки
Христа услышим: «Приидите, благословеннии
Отца Моего, наследуйте уготованное вам
Царствие от сложения мира». Аминь.

